

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U LUKAVCU
Broj: 126-0-Su-25-000496
Tuzla, 24.09.2025. godine

Na osnovu člana 69. stav (2) tačka (e) i 70. Zakona o javnim nabavkama BiH („Službeni glasnik BiH“ broj: 39/14, 59/22 i 50/24) i preporuke Komisije za javnu nabavku broj 126-0-Su-25-000496 od 22.09.2025. godine, imenovane Rješenjem broj: 126-0-Su-25-000494 od 27.06.2025. godine, predsjednica suda donosi:

ODLUKU
o poništenju postupka javne nabavke

I

Poništava se postupak javne nabavke za Izvođenje radova na izgradnji objekta Općinskog suda u Lukavcu (nabavka robe i materijala sa ugradnjom neophodnom za završetak radova) putem otvorenog postupka.

II

Zadužuje se Komisija za javne nabavke da pripremi Tendersku dokumentaciju za provedbu ponovnog postupka predmetne nabavke.

III

Ova Odluka stupa na snagu danom donošenja i ista će se istovremeno objaviti na web-stranici Ugovornog organa i uputiti ponuđačima koji su učestvovali u postupku javne nabavke.

O b r a z l o ž e n j e

Postupak predmetne nabavke pokrenut je Odlukom o pokretanju postupka javne nabavke broj: 126-0-Su-25-000496 od 30.06.2025.godine. Javna nabavka provedena je putem otvorenog postupka. Obavještenje o nabavci broj: 368-1-3-73-3-11/25 od 28.07.2025. godine je objavljeno na Portalu javnih nabavki, kao i ispravka obavještenja broj: 368-1-3-73-8-12/25 od 08.08.2025. god. Sažetak obavještenja objavljen je u Službenom glasniku BiH broj: 46/2025 dana 01.08.2025. godine kao i sažetak ispravke objavljen u Službenom glasniku BiH broj: 49/2025 dana 15.08.2025. godine.

Postupak predmetne javne nabavke je provela Komisija za javnu nabavku imenovana Odlukom Ugovornog organa broj: 126-0-Su-25-000494 od 27.06.2025.godine. Komisija je dana 18.09.2025.godine izvršila otvaranje dostavljenih ponuda, a dana 22.09.2025.godine pregled i ocjenjivanje istih, te je predsjednici suda dostavila Zapisnik o pregledu i ocjeni ponuda sa preporukom da se donese Odluka o poništenju postupka javne nabavke za Izvođenje radova na izgradnji objekta Općinskog suda u Lukavcu (nabavka robe i materijala sa ugradnjom neophodnom za završetak radova).

Iz Zapisnika Komisije o pregledu i ocjeni ponuda proizilazi da je u predmetnom postupku javne nabavke ponude dostavilo šest (6) ponuđača. Ponuđač Džena d.o.o. Gradačac je dostavio ponudu sa cijenom bez PDV-a u iznosu od 5.819.592,29 KM, ponuđač Elektrocentar Petek d.o.o. Tuzla je dostavio ponudu sa cijenom bez PDV-a u iznosu od 6.005.031,60 KM, ponuđač Baupartner d.o.o. Lukavac je dostavio ponudu sa cijenom bez PDV-a u iznosu od 5.437.709,03 KM, ponuđač Jokić-Invest d.o.o. Zvornik je dostavio ponudu sa cijenom bez PDV-a u iznosu od 7.615.232,30 KM, a ponuđač Tehnograd Company d.o.o. Tuzla je dostavio

ponudu sa cijenom bez PDV-a u iznosu od 5.774.437,87 KM. Kako procijenjena vrijednost javne nabavke prema Tenderskoj dokumentaciji iznosi 4.100.000,00 KM bez PDV-a, a tačkom 4.6. Tenderske dokumentacije je određeno da ponuda čija cijena prelazi planirana, odnosno osigurana novčana sredstva Ugovornog organa za nabavku je neprihvatljiva, to se ponude navedenih ponuđača, obzirom da svaka od navedenih prelazi planirana, odnosno predviđena novčana sredstva Ugovornog organa, smatraju neprihvatljivim.

Ponuđač Baumax d.o.o. Srebrenik je dostavio ponudu sa cijenom bez PDV-a u iznosu od 4.865.864,56 KM i ponuđenim popustom u iznosu od 767.864,56 KM, pa se takva ponuda smatra prihvatljivom. Međutim, ponuda ponuđača Baumax d.o.o. Srebrenik nije izrađena u skladu sa tačkom 4.2.3. Tenderske dokumentacije, obzirom da je ista numerisana na način da stranice od broja 145. do broja 152. nedostaju u kontinuitetu na pozicijama na kojima trebaju biti, te su dodate na kraj ponude, odnosno nakon stranice broj 179. Zatim, ponuda nije čvrsto uvezana obzirom da listovi označeni brojevima stranica od 152. do 165. su izbušeni na način da list ispada iz jemstvenika jer umjesto punog kruga koji nastane bušenjem stranice, nastao je polukrug na ivicama stranica. Nadalje, prilikom pregleda ponude uočena je korekcija u ponudi na strani broj 46. tačka 3. koja nije potvrđena potpisom i pečatom ponuđača i ista je bez datuma izvršene ispravke. Obzirom na sve navedeno, a kako je tačkom 6. Tenderske dokumentacije određeno da je ponuda nepravilna ukoliko nije u skladu sa tenderskom dokumentacijom, to se ovakva ponuda ponuđača Baumax d.o.o. Srebrenik ima smatrati nepravilnom.

Imajući u vidu naprijed navedeno, odlučeno je kao u stavu I dispozitiva Odluke.

Stavom II dispozitiva Odluke je zadužena Komisija za javne nabavke imenovana Odlukom broj 126-0-Su-25-000494 od 27.06.2025.godine da pripremi Tendersku dokumentaciju za provedbu ponovnog postupka predmetne nabavke.

Ova Odluka stupa na snagu danom donošenja i ista će se istovremeno objaviti na web-stranici Ugovornog organa i uputiti ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH („Službeni glasnik BiH" broj: 39/14, 59/22 i 50/24).

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, u pisanoj formi direktno ili preporučenom poštanskom pošiljkom na adresu Ugovornog organa. Žalba se podnosi u najmanje tri (3) primjerka.

DOSTAVITI:

- Ponuđačima
- Na web stranicu Općinskog suda u Lukavcu
- Članovima Komisije
- A/A

